

Theatr Clwyd

Hawdd ei ddeall

Rydyn ni'n chwilio am ddylunydd goleuo a fideo dan hyfforddiant



Mehefin 2025



Am y ddogfen yma



Dyma fersiwn hawdd ei ddeall o “Craidd & Theatr Clwyd - Pecyn gwybodaeth Dylunydd Goleuo a Fideo dan hyfforddiant Under Milk Wood”.



Mae'r geiriau mewn **ysgrifen glas trwm** yn gallu bod yn anodd eu deall. Mae beth mae'r holl eiriau glas yn ei feddwl ar mewn bocs.



Lle mae'r ddogfen yn dweud ni, mae hyn yn meddwl Theatr Clwyd. Am ragor o wybodaeth cysylltwch â:

Gwefan: www.theatrclwyd.com

E-bost: stiwidio@theatrclwyd.com



Mae [Hawdd ei Ddeall Cymru](#) wedi gwneud y ddogfen yma yn Hawdd ei Ddeall gan ddefnyddio Photosymbols. I ddweud wrthyn ni beth rydych chi'n ei feddwl am y fersiwn hawdd ei ddeall yma, [cliciwch yma](#).

Am Craidd



Craidd ydy'r enw sydd yn cael ei roi i 5 sefydliad sy'n gweithio gyda'i gilydd. Y rhain ydy:

- Theatr Clwyd
- Theatr y Sherman
- Celfyddydau Pontio
- Theatr y Torch a
- Coleg Brenhinol Cerdd a Drama Cymru.



Ein nod ydy gwneud yn siŵr bod mwy o grwpiau o bobl yn gallu ymwneud â'r theatr.



Rydyn ni'n gweithio gyda'n gilydd i wneud theatr yn gynhwysol i bawb.



Ein nod ydy gwneud yn siŵr bod pobl fyddar, anabl a **niwrowahanol** yn:

- cael eu cynnwys
- ac yn cael eu gweld mwy yn y theatr.




Mae pobl **niwrowahanol** yn bobl y mae eu meddyliau yn gweithio mewn ffyrdd gwahanol i lawer o bobl eraill.



Sara Beer ydy Cyfarwyddwr Craidd. Mae 5 person arall yn cael eu cyflogi ar y prosiect yma. Maen nhw'n cael eu galw yn Asiant dros Newid.



Fe fydd pob sefydliad sy'n rhan o Craidd yn gwneud cynhyrchiad teithiol gyda phobl fyddar, anabl a **niwrowahanol**.



Yn 2026 rydyn ni'n gwneud sioe o'r enw Under Milk Wood.



Dyma ein sioe Craidd gyntaf. Fe fydd yn mynd i Theatr y Sherman, Celfyddydau Pontio a Theatr y Torch.

Am rôl dylunydd goleuo a fideo dan hyfforddiant



ae rôl yr hyfforddai ar gyfer pobl sydd yn:

- Byddar
- Anabl
- neu [Niwrowahanol](#).



Mae llawer o bobl fyddar, anabl, a [niwrowahanol](#) yn wynebu rhwystrau wrth weithio yn y theatr.

Fe fydd rôl yr hyfforddai yn rhoi:

- cyfle i weithio a dysgu sgiliau newydd.
- profiad o weithio yn y theatr.
- cyfle i archwilio eich syniadau.
- lle diogel a chefnogol i dyfu eich sgiliau.
- cyfle i gyfarfod pobl sydd yn gallu helpu gyda'ch gyrfa yn y dyfodol.





Fe fyddwch chi'n gweithio gyda dylunwyr profiadol:

- Josh Pharo
- a Sarah Readman.



Fe fydd rôl yr hyfforddai rhwng 26 Ionawr 2026 a 20 Mawrth 2026.



Oriau arferol: 10am i 6pm

Fe fydd angen i chi fod yn y theatr yn llawn amser. Efallai y byddwch chi'n gallu gwneud rhywfaint o waith gartref.



Rydyn ni'n gallu siarad am hyn yn eich cyfweliad ac yn ystod eich gwaith.



Efallai y byddwn ni eich angen ar gyfer rhywfaint o waith gyda'r nos a phenwythnos.

Pwy sydd yn gallu gwneud cais

Rydych chi'n gallu gwneud cais os:



- Rydych chi'n nodi fel Byddar, anabl neu [niwrowahanol](#).



- Rydych chi wedi cael eich geni yng Nghymru, eich magu yng Nghymru, neu'n byw yng Nghymru.



- Rydych chi'n 18 oed neu'n hŷn.



- Mae gennych chi brofiad mewn dylunio goleuadau theatr neu fideo ac eisiau dysgu mwy.



- Rydych chi wedi gweithio mewn dylunio goleuadau theatr o'r blaen ac eisiau dod yn ôl i ddylunio goleuadau theatr.

Rydyn ni eisiau rhywun sydd:



- gyda diddordeb mewn dylunio goleuadau theatr a fideo.
- yn hoffi gwneud theatr.
- yn drefnus ac yn hyderus.
- dim yn cynhyrfu ac yn gyfeillgar.
- yn barod i helpu.
- yn gweithio'n dda gydag eraill.
- eisiau gwneud theatr yn gynhwysol i bawb.
- wedi gwneud rhywfaint o waith dylunio goleuadau neu fideo.
- yn hapus i wneud rhywfaint o waith ymarferol pan mae angen.
- yn mwynhau gweithio gyda gwahanol bobl a chymunedau lleol.
- dim yn yr ysgol, yn y coleg, neu'r brifysgol.

Fe fyddai'n dda os:



- Mae gennych drwydded yrru lawn, lân.



- Rydych chi'n siarad Cymraeg.



- Rydych chi wedi gweithio ar brosiectau cymunedol o'r blaen.

Beth fyddwch chi'n ei wneud

Fe fyddwch chi yn:



- Mynd i gyfarfodydd dylunio.



- Mynd i gyfarfodydd gyda'r cast a'r criw cyfan.




- Sgwrsio wyneb yn wyneb â'r dylunwyr Goleuo a Fideo.



- Treulio pythefnos i 3 wythnos gyda'r tîm Goleuo yn Theatr Clwyd i weld sut mae dyluniadau goleuadau a fideo yn cael eu cynllunio a'u hadeiladu.



- Gwyllo ymarferion, yn enwedig pan fydd y dylunwyr Goleuo a Fideo yno. I ddeall eu rôl.



- Fe fyddwch chi yno ar gyfer yr ymarferion adeiladu a thechnegol. Gweithio gyda'r tîm goleuo a dysgu sut maen nhw'n sefydlu'r sioe.



- Mynd i ragolwg y sioeau. Cymryd rhan mewn sgysiau am beth i'w wella cyn y noson agoriadol.



Byddwch yn cyfarfod timau eraill fel:

- Cynhyrchwyr
- Rheolwyr Cynhyrchu
- Adeiladwyr Setiau
- Artistiaid Golygfeydd
- Tîm Sain.

Fe fyddwch chi hefyd yn:



- Mynd i wahanol ardaloedd o'r theatr i ddysgu mwy.



- Cael help gan Asiant dros Newid Craidd i'ch cefnogi.



- Cael help gan Gyfarwyddwr Stiwdio Clwyd i edrych ar beth rydych chi wedi'i ddysgu. A chynllunio eich camau nesaf.



Mae hwn yn brosiect peilot, mae'n meddwl ein bod ni'n rhoi cynnig ar y prosiect yma. Felly, fe fyddwn ni'n gofyn i chi roi adborth ar y diwedd.

Sut fyddwn ni'n eich cefnogi



Rydyn ni eisiau gwneud y cais a'r cyfweliad yn deg.
Rydyn ni eisiau cynnig y gefnogaeth mae pobl ei
angen.




Dywedwch wrthyn ni os ydych chi angen unrhyw
help ar gyfer y cyfweliad.



Fydd hyn ddim yn effeithio ar eich siawns o gael eich
dewis ar gyfer y cyfweliad.

Os ydych chi'n cael eich dewis ar gyfer cyfweliad, fe fyddwn ni'n anfon:



- Cwestiynau cyfweliad cyn y cyfweliad.



- Gwybodaeth ysgrifenedig glir am beth i'w ddisgwyl ar y diwrnod.



- Rydyn ni'n gallu darparu'r wybodaeth mewn fformatau eraill os ydych chi'n gofyn am hynny.

Os ydyn ni'n eich dewis ar gyfer y rôl hyfforddai:



- Fe fyddwn ni'n gweithio gyda chi i ateb eich anghenion.



- Fe fyddwn ni'n gofyn i chi lenwi ffurflen Gweithio gyda Fi.



- Rydych chi hefyd yn gallu anfon Access Rider os oes gennych chi un – dyma ddogfen am eich anghenion.



- Os ydych chi'n cael help gan Mynediad i'r Gwaith, fe ddylech chi barhau i ddefnyddio hynny yn ystod eich amser fel hyfforddai.



- Os nad ydy'r gyllideb dan hyfforddiant yn ddigon i'ch anghenion, rydyn ni'n gallu eich helpu i wneud cais am fwy o gymorth.

Dyddiadau pwysig



Dydd Llun, 3 Tachwedd 2025

Dyddiad cau ar gyfer ceisiadau.



Dydd Mercher, 12 Tachwedd 2025

Fe fyddwn ni'n cysylltu â 4 o bobl a'u gwahodd i gyfweiliad.



Wythnos yn dechrau 24 Tachwedd 2025

Fe fydd cyfweiliadau'n digwydd. Fe fydd hyn yn cynnwys:

- Gwyllo cyfarfod dylunio.
- Cael cyfweiliad gyda:
 - Josh Pharo
 - Sarah Readman
 - aelod o Dîm Creu Theatr Clwyd
 - aelod o dîm Craidd



Dydd Gwener, 28 Tachwedd 2025

Fe fyddwn ni'n dweud wrthyh chi os ydych chi'n cael eich dewis ar gyfer y rôl hyfforddai.



Wythnos yn dechrau 2 Chwefror 2026

Mae'r ymarferion yn dechrau ar gyfer Under Milk Wood. Yr wythnos yma fydd eich Wythnos Sefydlu yn Theatr Clwyd.



Wythnos yn dechrau 2 a 9 Chwefror 2026

Gwaith yn yr adran Goleuo yn Theatr Clwyd.



Wythnosau sy'n dechrau 16 a 23 Chwefror

Efallai y byddwch chi'n mynd i ymarferion yn ystod yr wythnosau yma.

Fe fydd yr union ddyddiau yn cael eu trafod gyda'r dylunwyr Goleuo a Fideo. Fe fyddan nhw'n helpu i benderfynu pryd fydd yn fwyaf defnyddiol i'ch dysgu.

Efallai y byddwch chi'n mynd i ymarferion am hyd at 1 wythnos.



2 i 7 Mawrth 2026

Wythnos Ffitio a Thechnoleg.

Fe fyddwch chi yn Theatr Clwyd yn llawn amser.

Dyma pryd mae'r llwyfan yn cael ei adeiladu ac mae'r gwaith technegol yn dechrau.



9 i 14 Mawrth 2026

Wythnos Technegol a Rhagolygon

Fe fyddwch chi'n parhau yn llawn amser yn y theatr, gan helpu gyda chynllunio a sefydlu.



Wythnos yn dechrau 16 Mawrth 2026

Rhagolwg o sioeau a noson gwesteion



Dydd Iau, 19 Mawrth 2026

Cyfarfod olaf gyda dylunwyr Goleuadau a Fideo. Mynd i noson gwesteion ar gyfer Under Milk Wood.



Dydd Gwener, 20 Mawrth 2026

Eich diwrnod olaf:

- Llenwi eich ffurflen adborth.
- Cael cyfarfod olaf gyda thimau Craidd a Stiwdio Clwyd.

Arian



Fe fyddwn ni'n rhoi £5,150 am eich amser fel hyfforddai. Mae'r arian yma yn cael ei alw yn fwrsariaeth.



Fe fyddwn ni hefyd yn rhoi hyd at £2,970 i helpu gyda chostau teithio a llety.



Rhaid i chi gadw derbynebaw i gael yr arian yma yn ôl. Fe fyddwn ni'n eich talu'n ôl am beth rydych chi'n ei wario.



Fe fydd y fwrsariaeth o £5,150 yn cael ei thalu mewn 4 rhan.

Treth y Cyngor



Fe fydd angen i chi dalu eich treth eich hun ac Yswiriant Gwladol. Os nad ydych chi'n hunangyflogedig, rydyn ni'n gallu eich helpu i sefydlu hyn.

Sut i wneud cais



Anfonwch:

- Eich CV. Ni ddylai fod yn fwy nag 1 ochr i dudalen A4.
- Dolen i'ch gwefan neu bortffolio.



Dywedwch wrthyn ni mewn 300 o eiriau, neu anfonwch fideo 3 munud am:

- Pam mae'r rôl hyfforddai yma yn bwysig i chi ar hyn o bryd
- Sut fydd yn eich helpu i dyfu fel dylunydd goleuo a fideo?
- Beth rydych chi eisiau ei ddysgu.

Ysgrifennwch hyd at 200 o eiriau, neu anfonwch fideo 2 funud am:



- Pa ddylunio goleuadau a fideo neu ddylunydd sydd wedi eich ysbrydoli a pham?



Dywedwch wrthyn ni os ydych chi angen unrhyw gefnogaeth ar gyfer y cyfnewiad.



Rhowch enw 2 berson ar gyfer geirda. Dyma bobl sy'n adnabod eich gwaith:

- Fe ddylai 1 fod yn gydweithiwr creadigol. Mae cydweithiwr creadigol yn meddwl rhywun sy'n gweithio gyda'i gilydd ag eraill i wneud rhywbeth creadigol. Fel ffilm neu waith celf.
- Fe ddylai 1 fod yn ddylunydd, cyfarwyddwr neu gynhyrchydd.



Fyddwn ni ond yn cysylltu â nhw gyda'ch caniatâd yn nes ymlaen.



Os ydych chi angen help i wneud cais, rydyn ni'n gallu darparu cefnogaeth. Fe fydd mwy o fanylion ar sut i wneud cais yn cael eu cynnwys yn y pecyn cais.

Sut i anfon eich cais i ni



Rydych chi'n gallu anfon eich atebion fel testun ysgrifenedig neu fel fideo.



Rydych chi'n gallu ei anfon i ni yn laith Arwyddion Prydain (BSL) os ydych chi eisiau.



E-bostiwch eich cais at: stiwidio@theatrclwyd.com



Rhaid i chi anfon eich cais i ni erbyn 6pm ar 3 Tachwedd 2025.